



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für die Geschichte der Mark Brandenburg und ihrer Regenten

Sammlung für allgemeine Landes- und kurfürstliche Haus-Angelegenheiten

Riedel, Adolph Friedrich

Berlin, 1861

356. Brüderlicher Vergleich des Kurfürsten Joachim und des Markgrafen Johann über die Ausstattung der Prinzessin ihres Hauses, vom 15. Januar 1545.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

hanngen lasenn. Datum Copenickh, Monttags nach Laurentii, Christi vnfers lieben hern geburtt Taufentt funfhundertt vnnd jm drej vnnd viertzigstenn jar.

Nach dem Churm. Lehnscopialbuche V, 279 in dorso.

356. Brüderlicher Vergleich des Kurfürsten Joachim und des Markgrafen Johann über die Ausstattung der Prinzessinnen ihres Hauses, vom 15. Januar 1545.

Von Gots gnaden wir Joachim, des heiligen romischen reichs Ertz-Cammrer vnd Churfurst, vnd Johans, gebrudere, Marggraffen zu Brandenburg, zu Stettin, pommern, der Cassuben, wenden vnd in Schlesien zu Crossen hertzogenn, Burggraffen zu Nurmberg vnd fursten zu rugen, Bekennen vnd thun kunth offentlich vor vns vnd vnser erben vnd sonst vor jdermenniglich difes brifs ansichtigen, Nachdeme vnd als durch weylant des durchleuchtigenn hochgebornnen fursten, hern Joachims, Marggraffenn vnnd Churfursten zu Brandenburgk etc., vnners lieben hern vnd vaters seliger vnd loblicher gedechtnus, etwa aufgerichten vaterlichen vortrage vorsehen vnd vororden das, da wir oder vnser erben tochter berathenn wurden, das einer ieden nicht mher, dann souil, als sein gnad jren tochttern, vnfern freuntlichen lieben Schwestern, hiior mit gegeben zu heirathguth vnd auffertigung zugeben schuldig sein vnnd das vnser beyderseits Landtschaft samptlich dieselben, wie von alters herkommen vnd gewonlich, mit ehegelde vnnd auffertigung aufsteuern sollenn, So dann itzo wir, der Churfurst, vnser freuntliche liebe tochter, die hochgeborne furstin frewlein Barbara, Marggreffin zu Brandenburgk etc., dem hochgebornnen fursten hern georgen, hertzogen in Schlesien, zur Lignitz vnnd Brig, vormhelet vnnd auf kunftig fastnacht, als Sontags Elstomihi, ehelich beytzulegenn entschlossenn; Haben wir vns demnach des aufbringendenn ehegeldes vnnd auffertigung halber vf folgend mafs mit einander Bruderlich vnd freuntlich vorglichenn, Also das vnser beyderseits landtschaft dartzu zwey jar nacheinander des Itzigen funfvndvrtzigstenn jars, vf Catharine antzufahenn, zweintzigk pfenning von der hufen vnd aber vf Catherine des XLVIten XX pfenning von der hufen vnd die von Stedten die beid jar jr zweyteil, wie die steurn vor alters aufbracht, geben sollenn. So sol es auch jtzo hinfuro in kunftigenn zeitenn von vns, vnfern erben vnd erbens erben fur vnd fur also gehalten werdenn, Nemlich wann wir oder vnser erben vnnd erbens erben fur vnd fur vnnd so offte es geschee, ein Frewlein berathenn wurdenn, das ehegeld vnd auffertigung derselben vnser beiderseits Landtschaft funf mercklich groschen vf zwey jar allewege vf Catharine nehilt nach bescheenem Ehelichem beylager antzufahenn, zweintzigk pfenning vnd aber das nach-

folgendt jar darnach zweintzigk pfenning vnnnd dartzu der von Stedten zweyteil, das ist noch fouil, als das huffenschofs von denn funf groschenn vf die zwey jar aufragen wirdet, sollen gegeben vnd entricht werdenn. Vnd wir, der Churfurst, Gereden, vorseprechen vnd zusagen vor vns, vnser erbenn vnd erbens erben, Das wir vnd vnser erbenn fur vnd fur, So oft vnser lieber Bruder Marggraf Johans oder seiner lieben erbenn fur vnd fur ein tochter berathenn wirdet, das wir vnd vnser erbenn funf groschen von der huffen in allen vnsern Landenn vf zwe Jars fristen, alwegen vf Catharine nach beschehenem ehelichenn beylager antzufahenn, zweintzig pfenning vnd das negst folgendt jar darnach vf bestimpten termin abermals zweintzig pfenning, dartzu vf jedes jar von vnsern Stedten jren geburlichen anteill sollen vnd wollen einmhanen lassen, dieselb summa, fouil es aufragen wirdet, vnserm freuntlichen liebenn bruder derselben erben fur vnnnd fur one vermindernung gegenn Custrin die negsten Weyhennachtenn nach Catharine sollen vnd wollen vberantwortenn. In gleichnus vorpfflichten wir Marggraf johans vor vns vnd vnser erbenn fur vnd fur, Wann vnser lieber her vnd bruder, der Churfurst, seiner lieben erbenn fur vnd fur tochter berathenn wurden, Das wir in allenn vnsern landenn die funf groschenn von der huffen gein seiner Lieb vnterthanen vnd von vnsern Stedten dagegen iren geburlichen anteil, also das vnser beiderseits Stedte semplich zweyteil, das ist noch fouil, als die funf merckisch groschenn von der huffen aufragenn, wie von alters gewonlich vnd breuchlich gehalten, jn zweien jarenn vf zeit vnnnd tag, wie obftet, einmannen lassen vnnnd solche summa, fouil es aufragen wirdt, gedachtem vnserm lieben hern vnd Brudern, dem Churfursten, vnd seiner libden erben fur vnnnd fur allweg vf weyhennachtenn negst nach Catharine desselbigen Jares gein Coln an der Sprew lyfern vnd vberantwortten sollenn vnd wollen. Alle dise vnser bereedungen, vogleichung vnd vertrag Gereden vnd zusagen Wir der Churfurst vnd Wir Marggraf johans vor vns, vnser erben vnd erbens erben fur vnd fur jn allen Clauseln, puncten vnnnd articulu stet, vhest, vnuorbrechlich vnnnd vnwiderrufflich zu halten, gantz getreulich vnnnd one geuerdt. Zu vrkund etc., Actum Coln an der Sprew, Dornstags nach Octauas trium regum, Anno etc. jm XLVten, mit vnsern vfgetruckten Secreten besigelt.

Nach dem Churmairischen Lehnscopialbuche V. 258.